



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

*Komunikadu Imprensa
Parlamentu Nasionál
04 Jullu 2014*

Parlamentu Nasionál la konsistente ho agenda eleisaun Komisáriu foun ba Comissão Anti-Corrupção

Iha 02 Jullu 2014, Parlamentu Nasionál (PN) liu husi plenária estraordináriu ho agenda atu halo votasaun ba Komisáriu foun Comissão Anti-Corrupção (CAC). Ajenda ne'e meja PN adia ba dala 3 ona tanba korum la to'o no eleisaun dala ida konsidera invalidu tanba la priense votus maiória absoluta bazeia ba artigu 7^o alinea (1) kona-ba Lei Kriasaun Comissão Anti-Corrupção (CAC).

“JSMP preukupa tebes katak razaun korum la preense ne'e la'os justifikasaun ne'ebé aseitavel tanba Parlamentu Nasionál, falla atu halo eleisaun ba Komisáriu ba Comissão Anti-Corrupção (CAC), kuaze dala tolu ona. Hanesan orgaun lejislator ne'ebé representa interese povu iha Parlamentu Nasionál, deputadu sira tenke fo prioridade hodi hala'o sira nia kna'ar tuir artigu 92 Konstituisaun atu halo lei, fiskalizaun no halo desizaun politika,” dehan Luis de Oliveira Sampaio, Direitór Ezekutivu JSMP.

Realidade ne'e, justifika konkluzo ba deskobrimentu (temuan) sira ne'ebé JSMP hetan durante ne'e katak deputadu sira balun la tama servisu tuir oras servisu no balun la tama servisu sein prosesu ida ne'ebé klaru ba sira. JSMP hanoin katak deputadu sira tenke dedika sira nia an barak liu iha Parlamentu Nasionál atu kumpri sira nia mandatu konstitusionál, inklui halo desizaun polítika atu hatan ba eziyensia públiku, partikularmente eleisaun ba Komisáriu CAC nian.

JSMP husu ba deputadu sira atu konsistente no fó konsiderasaun ba agenda ne'ebé meza propoin hodi aseleira prosesu eleisaun ne'e ho lalais ba interese funsionamentu instituisaun CAC no públiku, atu nune'e instituisaun ne'e bele hala'o nia pápel hodi Kombate korrupsaun.

Tuir informasaun husi membru Parlamentu sira katak bazeia ba enkontru lideres bankada ho Prezidente Parlamentu Nasionál iha loron 2 Jullu 2014 hamosu ona desizaun katak elisaun ba Komisáriu CAC re-ajenda fali ba iha loron 10 Jullu 2014, ho hanoin ikus katak sekuandu entre kandidatu nain rua ne'e la liu votasaun, maka sei loke fali anúnsiu vaga ba kandidatu foun.

Relasiona ho eleisaun ba Komisáriu CAC nian, antes ne'e, iha 11 Juñu 2014, JSMP mós apresenta interpretasaun alternativa ida atu konsidera katak rezultadu eleisaun ne'ebé PN hala'o iha 10 Juñu 2014 ne'e legál no validu.

JSMP rekomenda ba PN atu halo interpretasaun ofisial ruma ba provizaun legál sira ne'ebé iha konfliktu atu evita konfuzaun iha futuru no hamosu duvida ba públiku.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.orginfo@jsmp.minihub.org

Telefone: 3323883|77295795 Website: www.jsmp.tl

Facebook: www.facebook.com/timorleste.jsmp

Twitter: @JSMPtl